

სსიპ - ლ. საყვარელიძის სახელობის დაავადებათა კონტროლისა და

საზოგადოებრივი ჯანმრთელობის ეროვნული ცენტრი

დაფინანსების წყარო:

შიდსთან, ტუბერკულოზსა და მალარიასთან ბრძოლის გლობალური ფონდის პროგრამა
„საქართველოში აივ/შიდსის პრევენციის მიზნით არსებული ეროვნული
რეაგირების მხარდაჭერა, აივ/შიდსით დაავადებულთა სიცოცხლის მაჩვენებლების
გაუჯობესება მკურნალობისა და მოვლის ღონისძიებების გაძლიერების გზით“
(GEO-H-NCDC)

“ნარკოტიკების ინექციური გზით მომხმარებლებისთვის აივ პრევენციული სერვისის მიწოდება:
აივ/შიდსისა და C ჰეპატიტის პრევენციის მიზნით მეტადონით ჩანაცვლებითი თერაპიის განხორციელება”

(CPV კოდი 85100000)

ელექტრონული ტენდერის

სატენდერო დოკუმენტაცია

ქ. თბილისი
ნოემბერი 2015 წ.

1. ინსტრუქცია ტენდერში მონაწილეთათვის	2
2. შესყიდვის ობიექტი	5
3. ბენეფიციარების სამიზნე რაოდენობები	6
4. პრეტენდენტის მიმართ განსაზღვრული მოთხოვნები	9
5. პრეტენდენტის მიერ ერთიან ელექტრონულ სისტემაში ასატვირთი ინფორმაცია	10
6. საკვალიფიკაციო მოთხოვნები	11
7. დამატებითი ინფორმაცია	12
8. სახელმწიფო შესყიდვის შესახებ ხელშეკრულების პროექტი	13
9. რეკვიზიტები დანართი N1	24

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოს აფიდავიტს და დაეთანხმოს მას (გაცნობას და თანხმობას ადასტურებთ სისტემის მეშვეობით, აფიდავიტის საილუსტრაციო ფორმა იხ. დანართი №1).

1.3. ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4. სატენდერო წინადადების უზრუნველყოფის ელექტრონული გარანტია წარმოდგენილი უნდა იქნას სატენდერო განცხადებაში მითითებული საგარეულო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სისტემის გამოყენების გარეშე, სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესით“ გათვალისწინებული პროცედურების გამოყენებით. სააგენტოს წინასწარი თანხმობის მიღება ხდება წერილობითი ფორმით ან სააგენტოს ელექტრონული ფოსტის info@procurement.gov.ge მეშვეობით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

1.6. ამ ინსტრუქციის 1.5. პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად ტენდერში მონაწილეობის შესაძლებლობა.

1.7. ელექტრონული გარანტიის ოდენობა შეადგენს შესყიდვის ობიექტის საგარეულო ღირებულების 1 (ერთი) პროცენტს, ხოლო ვადა განისაზღვრება სახელმწიფო შესყიდვების ერთიან ელექტრონულ სისტემაში „წინადადებების მიღება დაწყებულია“ სტატუსით გათვალისწინებული ეტაპის დაწყებიდან არანაკლებ - 120 კალენდარული დღით (გამარტივებული ელექტრონული ტენდერის შემთხვევაში) და 160 კალენდარული დღით (ელექტრონული ტენდერის შემთხვევაში).

1.8. ტენდერში მონაწილეობის მისაღებად პრეტენდენტს შეუძლია წარადგინოს წინადადება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებულ ეტაპზე. პრეტენდენტის მიერ წარდგენილი წინადადება ძალაშია აღნიშნული წესის მე-2 მუხლის პირველი პუნქტის „ქ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

1.9. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.10. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი.

1.12. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრულ ბიჯზე არანაკლები ოდენობით.

1.14. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15. ელექტრონული ვაჭრობის დამატებითი რაუნდები – ელექტრონული ვაჭრობის დამატებითი სამი რაუნდი (შემდგომში დამატებითი რაუნდები), რომელიც იწყება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „წ“ ქვეპუნქტით გათვალისწინებული ძირითადი დროის დასრულებისთანავე და გრძელდება ამავე პუნქტის „მ“ ქვეპუნქტით გათვალისწინებული ეტაპის დაწყებამდე. პირველი დამატებითი რაუნდი იწყება ხუთწუთიანი შესვენებით, ხოლო შემდგომი თითოეული დამატებითი რაუნდის დაწყებამდე მიმდინარეობს ორწუთიანი შესვენება. თითოეულ დამატებით რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც თითოეულ პრეტენდენტს განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს დამატებით რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. დამატებით რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში პირველ შეთავაზებას აკეთებს ის პრეტენდენტი, რომელმაც ძირითად დროში ყველაზე მაღალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე მაღალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში პირველ შეთავაზებას აკეთებს ის პრეტენდენტი, რომელმაც ბოლომ დააფიქსირა ასეთი ფასი.

1.17. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19. თუ პრეტენდენტის მიერ წარმოდგენილი ტექნიკური დოკუმენტაცია არ შეიცავს ისეთ მონაცემს ან/და შეიცავს ისეთ უზუსტობებს, რომელთა წარმოდგენა ან/და დაზუსტება არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე, შემსყიდველი მას განუსაზღვრავს გონივრულ ვადას, მაგრამ არაუმეტეს 3 (სამი) სამუშაო დღისა ტექნიკური დოკუმენტაციის დაზუსტებისათვის.

1.20. თუ პრეტენდენტის ტექნიკური დოკუმენტაცია შესაბამემა სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით, რისთვისაც განუსაზღვრავს გონივრულ ვადას, მაგრამ არა უმეტეს 5 სამუშაო დღისა.

1.21. საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში შესაძლებელია განხორციელდეს სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტს ასევე, უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები შემსყიდველ ორგანიზაციას წარუდგინოს სისტემის მეშვეობით, საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის.

1.22. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.23. პრეტენდენტი ექვემდებარება დისკვალიფიკაციის მხოლოდ შემდეგ შემთხვევებში:

ა) თუ მის მიერ წარმოდგენილი ტექნიკური დოკუმენტაცია, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-5 და მე-6 პუნქტების გათვალისწინებით, არ შეესაბამება სატენდერო განცხადებას ან/და სატენდერო დოკუმენტაციას;

ბ) თუ პრეტენდენტი უარს იტყვის თავის სატენდერო წინადადებაზე;

გ) თუ მის მიერ წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო განცხადებას ან/და სატენდერო დოკუმენტაციას;

დ) თუ ის არ დააზუსტებს ტექნიკურ დოკუმენტაციას სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-6 პუნქტით დადგენილ ვადაში;

ე) თუ ის არ წარმოადგენს საკვალიფიკაციო მონაცემების დამადასტურებელ დოკუმენტებს ამ წესის მოთხოვნათა დაცვით;

ვ) თუ ის არის სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-15 მუხლის პირველი პუნქტით გათვალისწინებული გამარჯვებული პრეტენდენტი და არ წარმოადგენს ხელშეკრულების შესრულების უზრუნველყოფის გარანტიას, უარს აცხადებს ხელშეკრულების დადებაზე ან/და სხვაგვარად გამოსატყვის უარს ხელშეკრულების დადებაზე;

ვ) თუ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.

1.24. ამ ინსტრუქციის 1.23. ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.25. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას. რისთვისაც განისისაზღვრება ვადა **3 (სამი) სამუშაო** დღით. ფასწარმოქმნის ადეკვატურობა, შესაძლებელია დასაბუთდეს ექსპერტის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ამასთან ერთად, შემსყიდველი ორგანიზაცია უფლებამოსილია, დასაბუთებული გადაწყვეტილებით, უარი თქვას ფასწარმოქმნის ადეკვატურობის დასაბუთების მოთხოვნაზე.

1.26. გამარტივებული ელექტრონული ტენდერის ან ელექტრონული ტენდერის ჩატარებისას, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ე“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უზრუნველბა პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეეცანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია ამ წესის მე-13 მუხლის მე-2 პუნქტის „ბ“, „გ“, „ე“ - „ზ“ ქვეპუნქტების შესაბამისად.

1.27. იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.26. პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტო თანხა შესაბამისი მოთხოვნისთანავე.

1.28. ელექტრონული ტენდერის შეწყვეტა

ა) სატენდერო კომისიას უფლება აქვს შეწყვიტოს ტენდერი, თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებაზე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, შესყიდვაში მონაწილე პირებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.29. ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.30. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.31. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადამსული უნდა იყოს უფლებამოსილი პირის მიერ.

1.32. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.33. პრეტენდენტს არა აქვს უფლება წარმოადგინოს ალტერნატიული წინადადება.

2. შესყიდვის ობიექტი

შესყიდვის ობიექტს წარმოადგენს აივ ინფექცია/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) დაფინანსებული „საქართველოში აივ ინფექცია/შიდსის პრევენციის მიზნით არსებული ეროვნული რეაგირების მხარდაჭერა, აივ ინფექცია/შიდსით დაავადებულთა სიცოცხლის მაჩვენებლების გაუმჯობესება მკურნალობისა და მოვლის ღონისძიებების გაძლიერების გზით“ პროგრამის ფარგლებში “ნარკოტიკების ინექციური გზით მომხმარებლებისთვის აივ პრევენციული სერვისის მიწოდება: აივ/შიდსისა და C ჰეპატიტის პრევენციის მიზნით მეტადონით ჩანაცვლებითი თერაპიის განხორციელების” მომსახურების შესყიდვა.

ტერმინთა განმარტებები

- **ნიმ** - ნარკოტიკების ინექციური გზით მომხმარებლები
- **ნკტ** - ნებაყოფლობითი კონსულტირება და ტესტირება
- **ჩანაცვლებითი თერაპია** - ნარკოტიკული დამოკიდებულების მკურნალობა ჩამანაცვლებელი ნარკოტიკის გამოყენებით, რომელსაც გააჩნია ჯვარედინი დამოკიდებულება და ჯვარედინი ტოლერანტობა იმ ნარკოტიკული ნივთიერების მიმართ, რომლისადმიც განვითარებულია დამოკიდებულების სინდრომი. ჩანაცვლებითი თერაპია ძირითადად იყოფა ორ ტიპად: 1. ჩამანაცვლებელი პრეპარატით ხანმოკლე ან ხანგრძლივი დეტოქსიკაცია; 2. ხანმოკლე ან ხანგრძლივი მხარდამჭერი ჩანაცვლებითი თერაპია. გლობალური ფონდის პროგრამის ფარგლებში აღნიშნული მკურნალობა ტარდა მეთადონის გამოყენებით

შესყიდვის ობიექტის ღირებულება – 756,350.00 (შვიდას ორმოცდათექვსმეტი ათას სამას ორმოცდაათი) ლარი.

„მომსახურების“ გაწევის პერიოდი: ხელშეკრულების გაფორმებიდან 6 თვე, სავარაუდოდ 2016 წლის 1 იანვრიდან 30 ივნისის ჩათვლით.

3. ტექნიკური დავალება

მიზანი და ამოცანები:

პროგრამა “ნარკოტიკების ინექციური გზით მომხმარებლებისთვის აივ პრევენციული სერვისის მიწოდება: აივ ინფექცია/შიდსისა და C ჰეპატიტის პრევენციის მიზნით მეტადონით ჩანაცვლებითი თერაპიის განხორციელება” ითვალისწინებს:

- მეტადონით ჩანაცვლებითი თერაპიის განხორციელების გზით ნარკოტიკების ინექციურ მომხმარებელთა მკურნალობას და, შესაბამისად, მათ შორის ნარკოტიკების ინექციური მოხმარებით გამოწვეული ზიანის შემცირებას და აივ ინფექციისა და ვირუსული ჰეპატიტების გადაცემის პრევენციას; პროგრამა ითვალისწინებდას ბენეფიციარების რიცხვის ეტაპობრივ ზრდას 750 -მდე 2016 წლის ივნისის ბოლოსთვის;
- ჩანაცვლებითი თერაპიის ცენტრების ფუნქციონირების უზრუნველყოფას ნარკოტიკების ინექციური მომხმარებლების მკურნალობის მიზნით, როგორც სამოქალაქო (6 ცენტრი), ისე სასჯელაღსრულების სექტორებში (2 ცენტრი);
- პროგრამის განხორციელებაში მონაწილე პერსონალის გადამზადებას ჩანაცვლებითი თერაპიის მკურნალობის მეთოდოლოგიაში;
- ნარკოტიკების ინექციური გზით მომხმარებელთა უზრუნველყოფას აივ ინფექცია/შიდსზე ნებაყოფლობითი კონსულტირებითა და ტესტირებით; ასევე, B და C ვირუსულ ჰეპატიტებზე ნებაყოფლობითი ტესტირებით.
- ფსიქო-სოციალური რეაბილიტაციის ცენტრის/ების ფუნქციონირების უზრუნველყოფას ნარკოტიკების ინექციური გზით ყოფილი მომხმარებლების ფსიქო-სოციალური რეაბილიტაციის მიზნით;
- ნარკოტიკების ინექციური გზით მომხმარებელთა შორის აივ ინფექცია/შიდსის გავრცელების პრევენციას ე.წ. თანასწორგანმანათლებელთა მეშვეობით
- პროგრამის განხორციელებაში ჩართული სამკურნალო და სარეაბილიტაციო ცენტრების საქმიანობის მონიტორინგს

აღნიშნული პროგრამის ფარგლებში ჩანაცვლებითი მხარდამჭერი (ხანგრძლივი) თერაპია უნდა განხორციელდეს ჩანაცვლებითი თერაპიის 6 ცენტრში. 4 ცენტრის ფუნქციონირება გათვალისწინებულია ქ. თბილისში და 2 რეგიონში (ბათუმი და გორი); ცენტრების მიხედვით პაციენტების სავარაუდო რაოდენობა 50- დან 200 მდეა. სულ 2016 წლის ივნისის ბოლოს პროგრამით პაციენტების მოცვამ უნდა მიაღწიოს 750-პიროვნებას.

პენიტენციალურ სისტემაში მეტადონით დეტოქსიკაციის პროგრამა უნდა გაგრძელდეს თბილისსა და ქუთაისში (№8 და №2 სასჯელაღსრულების დაწესებულებებში). შესაძლებელია, პენიტენციალურ სისტემაში მეტადონით ჩანაცვლებითი მხარდამჭერი თერაპიის პროგრამის განხორციელებაც, აღნიშნულ სისტემაში შესაბამისი დაინტერესების არსებობის შემთხვევაში.

პენიტენციალურ სისტემაში ორივე ცენტრის პაციენტთა ერთდროული გამტარუნარიანობა დამოკიდებული იქნება სასჯელაღსრულების დაწესებულებებში ოპიოიდებზე დამოკიდებულ პირთა მოხვედრის სიხშირეზე და სავარაუდოდ, შეადგენს 70-100 პირს.

ცენტრების მიერ ზიანის შემცირების მიზნით განხორციელებული ნებაყოფლობითი კონსულტირებისა და ტესტირების პროგრამა უნდა იყოს მიმართული ინფექციური, ვირუსული დაავადებების (აივ/შიდსი, B და C ვირუსული ჰეპატიტები) პრევენციაზე და მიზნობრივ პოპულაციაში უსაფრთხო ინფექციების ქცევის დამკვიდრებაზე.

როგორც სამოქალაქო, ისე პენიტენციალურ სისტემაში მკურნალობისთვის გამოიყენება მეტადონის ჰიდროქლორიდის ხსნარის ფორმა, რომლის მიწოდება მოხდება შემსყიდველის მიერ.

ფსიქო-სოციალური რეაბილიტაციის ცენტრი/ების ძირითადი ამოცანებია:

- ნარკოტიკებზე დამოკიდებულ პირებში ზიანის შემცირება,
- ნარკოტიკებისადმი ფსიქოლოგიური დამოკიდებულების დაქვეითება,

- სოციალური ინტეგრაცია და რეციდივის პრევენცია ფსიქოლოგიური რეაბილიტაციის, სოციალური და კულტურული სერვისის შეთავაზებისა და სულიერი მხარდაჭერის გზით.

ოპიოიდებზე დამოკიდებულ პაციენტთა ფსიქო-სოციალური რეაბილიტაცია და ნებაყოფლობითი კონსულტირება და ტესტირება (ნკტ) გამიზნულია პაციენტების შემდეგ ჯგუფებზე:

- პაციენტები რომლებიც ჩართულები არიან მეთადონით მხარდამჭერ თერაპიაში
- პაციენტები, რომლებმაც ჩაიტარეს სტაციონარული მკურნალობა
- წამალდამოკიდებული პირები, რომლებმაც გაიარეს მკურნალობის ამბულატორული კურსი

სარეაბილიტაციო ცენტრი/ების საქიამობის არეალი - ქ. თბილისი.

პაციენტების მიმართვა სარეაბილიტაციო ცენტრში/ებში უნდა იქნას უზრუნველყოფილი ქ.თბილისში მოქმედი ჩანაცვლებითი თერაპიის ცენტრებიდან.

აღნიშნულ ცენტრში/ებში რეაბილიტაციის გავლის საშუალება უნდა მიეცეს აგრეთვე რემისიაში მყოფ იმ ინექციურ ნარკოტიკებზე დამოკიდებულ პირებს, რომლებმაც გაიარეს დეტოქსიკაციის კურსი ნარკოლოგიურ კლინიკებში ან მოცულ იქნენ ნკტ ცენტრებისა და შპრიცების გაცვლის პროგრამების პერსონალის მიერ, აგრეთვე სახელმწიფო პროგრამითა და თანადაფინანსებით მიმდინარე ჩანაცვლებითი თერაპიის ცენტრების პაციენტებს.

პროგრამით გათვალისწინებული სერვისებით ნიმ-ების მოცვის სამიზნეები:

სამოქალაქო სექტორში ოპიოდურ ჩანაცვლებით თერაპიაზე სულ მცირე ექვსი თვის განმავლობაში მყოფი პაციენტების მაჩვენებელი 2016 წლის ივნისის ბოლოსთვის: 75 %

ნარკოტიკების ინექციურ მომხმარებელთა უზრუნველყოფა აივ/შიდსზე ნებაყოფლობითი კონსულტირებითა და ტესტირებით: 380 ნიმ-ი

ნარკოტიკების ინექციური მომხმარებელთა შორის აივ ინფექციის გავრცელების პრევენციის მიზნით დატრენინგებულ თანასწოროგანმანათლებელთა რაოდენობა: 210 პირი

სარეაბილიტაციო პროგრამაში ჩართული პაციენტების რაოდენობა: 120 პაციენტი

ფსიქო-სოციალური რეაბილიტაციის ცენტრი/ებმა უნდა განახორციელოს შემდეგი საქმიანობა:

- ბენეფიციარების ფსიქოდიაგნოსტიკა, ფსიქოკონსულტირება, ფსიქოთერაპია, მათ შორის:
- ინდივიდუალური ფსიქოთერაპია
- ჯგუფური ფსიქოთერაპია
- კონფლიქტების მართვა-მოგვარება
- თვითდახმარების ჯგუფები
- უფასო სატელეფონო კონსულტაციებით ("ცხელი ხაზი") უზრუნველყოფა
- ნებაყოფლობითი ტესტირებისა და კონსულტირებისათვის რისკ-ჯგუფების (ნარკოტიკების ინექციური მომხმარებლების) იდენტიფიცირება და მათი მოზიდვა ცენტრში.
- თანასწოროგანმანათლებელთა მომზადებაზე ორიენტირებული მუშაობა
- მეთადონის პროგრამაში მყოფ წამალდამოკიდებულებთან სასულიერო პირთა მუშაობა;
- საზოგადოებაში ნარკოტიკების მოხმარების მიმართ უარყოფითი განწყობების შექმნაზე და ოპიოიდ ნარკოტიკულ საშუალებებზე დამოკიდებულ პირთა მეთადონის პროგრამით დაინტერესებაზე ორიენტირებული თემატური სატელევიზიო, რადიო გადაცემებისა და კლიპების მომზადება

შენიშვნა: ტენდერში გამარჯვებულ ორგანიზაციას შემსყიდველი უზრუნველყოფს პროგრამის განხორციელებისთვის საჭირო მედიკამენტით (მეთადონის ჰიდროქლორიდის ხსნარი) სამედიცინო აპარატურით, სადიაგნოსტიკო ტეს-სისტემებით და სახარჯი მასალებით, სატრანსპორტო საშუალებებით, საწვავითა და პოლიგრაფიული მომსახურებით) დანართი #4-1, #4-2 და #5-ის შესაბამისად

მეთადონით ჩანაცვლებითი თერაპიის განხორციელების დროს პრეტენდენტი ვალდებულია იმოქმედოს მოქმედი კანონდებლობისა და რეგულაციების შესაბამისად.

შენიშვნა: შემსყიდველი უფლებას იტოვებს არ დააფინანსოს პრეტენდენტის მიერ სატენდერო წინადადებით წარმოდგენილი ღონისძიება, რომელიც არ შეესაბამება ტენდერის ტექნიკურ დავალებას და/ან ეწინააღმდეგება მოქმედ რეგულაციებს.

4. .პრეტენდენტის მიმართ განსაზღვრული მოთხოვნები

- 4.1 ტენდერში მონაწილე ორგანიზაციას უნდა გააჩნდეს მსგავსი (ანალოგიური) პროგრამების განხორციელების სულ მცირე 2 წლიანი გამოცდილება.
- 4.2 ფლობდეს შესაბამისი სამედიცინო მომსახურების გაწევის სამედიცინო ლიცენზიას, ნებართვას;
- 4.3 პროგრამის ფაგლებში დაგეგმილი ღონისძიებების განხორციელებაში მონაწილე ძირითად პერსონალს უნდა ჰქონდეს შესაბამისი სამედიცინო საქმიანობის სერთიფიკატი/ნებართვა;
- 4.4 ტენდერში მონაწილე ორგანიზაციას უნდა გააჩნდეს წვდომის შესაძლებლობა ოპოიოდური ჯგუფის ნარკოტიკებზე დამოკიდებულ ნიმ-ებთან, როგორც სამოქალაქო სექტორში (თბილისი, გორი, ბათუმი), ისე სასჯელაღსრულების სისტემაში (თბილისი, ქუთაისი);
- 4.5 2013 წლიდან მოყოლებული ჯანმრთელობის დაცვის სფეროში არანაკლებ 1,500,000 ლარის ჯამური ღირებულების მსგავსი (ანალოგიური) პროექტების/კონტრაქტების მართვის გამოცდილება;
- 4.6 პრეტენდენტს უნდა გააჩნდეს (უზრუნველყოს) შემყიდველის მიერ გადაცემული მედიკამენტებისა და ლაბორატორიული მასალის სათანადოდ დასაწყობებისა და ტრანსპორტირების შესაძლებლობა (ტემპერატურული რეჟიმის დაცვით)
- 4.7 ფარმაცევტული პროდუქტების მიღება-გაცემისათვის შესაბამისი ნებართვები/ლიცენზიები (საჭიროების შემთხვევაში).

5. პრეტენდენტის მიერ ერთიან ელექტრონულ სისტემაში ასატვირთი ინფორმაცია*

პრეტენდენტის მიერ, სისტემაში ატვირთული დოკუმენტაცია უნდა შეიცავდეს შემდეგ დოკუმენტებსა და ინფორმაციას:

- ა) პრეტენდენტის რეკვიზიტები დანართი #1-ის შესაბამისად;
- ბ) ანგარიშსწორების პირობები;
- გ) დოკუმენტურად დასაბუთებულ ინფორმაცია პრეტენდენტის გამოცდილების შესახებ; წინამდებარე დოკუმენტში მითითებული მოთხოვნების შესაბამისად (იხ. „3. პრეტენდენტის მიმართ განსაზღვრული მოთხოვნები“).
- დ) კანონმდებლობით გათვალისწინებული ლიცენზიები/ნებართვები შესაბამისი საქმიანობის უზრუნველყოფისათვის;
- ე) პრეტენდენტის ორგანიზაციული სტრუქტურა;
- ვ) ინფორმაცია მომსახურების გასაწევად საჭირო აქტივების შესახებ დანართი 5-ის შესაბამისად;
- ზ) პროგრამის განხორციელების დეტალური მეთოდოლოგია და განხორციელების გეგმა ;
- თ) ძირითადი პერსონალის კომპოზიცია და ფუნქციები; პერსონალის CV, სერთიფიკატი ;
- ი) მომსახურებით გათვალისწინებული თითოეული აქტივობის დეტალური გეგმა გრაფიკი;
- კ) ინფორმაცია ქვეკონტრაქტორების მიერ შესასრულებელი სამუშაოების შესახებ, ასეთის არსებობის შემთხვევაში;
- ლ) სატენდერო წინადადების ფასი თანდართული ბიუჯეტის განაწილების ფორმების (დანართები #6 და 6-1) შესაბამისად;
- მ) ინფორმაცია გადასაცემი ფარმაცევტული პროდუქტების დასაწყობებისა და ტრანსპორტირების შესაძლებლობის შესახებ;
- ნ) ინფორმაცია/დოკუმენტაცია ფარმაცევტული პროდუქტების მიღება-გაცემისათვის შესაბამისი ნებართვების/ლიცენზიების შესახებ;

ზემოაღნიშულ კრიტერიუმებთან დადასტურების მიზნით პრეტენდენტმა უნდა წარმოადგინოს შესაბამისი დოკუმენტაცია (მაგ. ხელშეკრულება, დამკვეთის მიერ მიღებული ანგარიში, განხორციელებული პროექტის შეფასების დოკუმენტი, ლიცენზია, სერთიფიკატი, მიღება-ჩაბარების აქტი და ა.შ)

*იმ შემთხვევაში თუ ასატვირთი დოკუმენტაცია წარმოადგენს დიდ მოცულობას, შესაძლებელია „3. პრეტენდენტის მიმართ განსაზღვრული მოთხოვნები“-ს

4 გ) და 4 თ) პუნქტის შესაბამისი დამადასტურებელი დოკუმენტები მოწოდებული იქნას შესაბამისი ფუნქციონირებადი ელექტრონული მისამართის სახით, რომელიც უნდა იყოს მითითებული ელექტრონულ სისტემაში ატვირთულ დოკუმენტში.

6. საკვალიფიკაციო მოთხოვნები

1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1. იურიდიული პირისათვის:

- ამონაწერი სამეწარმეო რეესტრიდან. (საჯარო რეესტრის ეროვნული სააგენტოდან);
- ცნობა საჯარო რეესტრის ეროვნული სააგენტოდან, რომ არ მიმდინარეობს იურიდიული პირის რეორგანიზაცია ან ლიკვიდაცია.

1.2. ფიზიკური პირისათვის:

- ცნობა სათანადო დაწესებულებიდან, რომ არ მიმდინარეობს მის მიმართ გადახდისუუნარობის/გაკოტრების საქმის წარმოება.

1.3. როგორც იურიდიული, ასევე ფიზიკური პირებისათვის:

- ცნობა შემოსავლების სამსახურიდან სახელმწიფო ბიუჯეტისადმი დავალიანების არარსებობის შესახებ;
- ცნობა საჯარო რეესტრის ეროვნული სააგენტოდან, ტენდერში მონაწილე პირის ქონებაზე (მასზე რეგისტრირებული ქონების არსებობის შემთხვევაში) საჯარო სამართლებრივი შეზღუდვა რეგისტრირებული არ არის;

არარეზიდენტმა პირებმა პირველ პუნქტში მითითებული საკვალიფიკაციო მონაცემები უნდა წარმოადგინონ სათანადო უფლებამოსილი ორგანოდან, დადგენილი წესით დამოწმებული თარგმანის სახით - ლეგალიზებული ფორმა.

2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს: ა) გამარტივებული ელექტრონული ტენდერის შემთხვევაში – „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული ეტაპის (ტენდერი გამოცხადებულია) დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული ეტაპის (ტენდერი გამოცხადებულია) დაწყებამდე არაუგვიანეს ოცდაათი დღისა.

ბ) ელექტრონული ტენდერის შემთხვევაში – „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის (წინადადების მიღება დაწყებულია) დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის (წინადადების მიღება დაწყებულია) დაწყებამდე არაუგვიანეს ოცდაათი დღისა.

3. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან

ნოტარიულად დამოწმებული ასლები, წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 3 (სამი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

4. პრეტენდენტის მიერ საკვალიფიკაციო მონაცემების დამადასტურებელი დოკუმენტების ასლების წარმოდგენა შემსყიდველ ორგანიზაციაში ხდება სისტემის მეშვეობით. ასეთ შემთხვევაში შემსყიდველ ორგანიზაციას უფლება აქვს მოსთხოვოს პრეტენდენტს საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენა ხელშეკრულების ხელმოწერის მომენტისათვის. პრეტენდენტის მიერ საკვალიფიკაციო მონაცემების წარმოუდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია ვალდებულია მოახდინოს ამ პრეტენდენტის დისკვალიფიკაცია.

7. დამატებითი ინფორმაცია:

1. პრეტენდენტს არა აქვს უფლება წარმოადგინოს ალტერნატიული სატენდერო წინადადება.
2. სატენდერო წინადადების ღირებულება უნდა მოიცავდეს ამ ტენდერით გათვალისწინებული მომსახურებასთან და მოწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
3. მომსახურების მიწოდება განხორციელდება ეტაპობრივად.
4. სატენდერო წინადადების ღირებულება (ერთეულის და საერთო ფასი) წარმოდგენილი უნდა იყოს ეროვნულ ვალუტაში - ლარში.
5. ანგარიშსწორება განხორციელდება ეტაპობრივად, უნაღდო ანგარიშსწორებით, გაწეული მომსახურების შესაბამისად გაფორმებული მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში. ასევე შესაძლებელია გამოყენებული იქნეს წინასწარი გადახდის მექანიზმი სატენდერო ღირებულების მაქსიმუმ 20%-ის ოდენობით, რისთვისაც მიმწოდებელმა უნდა წარმოადგინოს საბანკო გარანტია წინასწარი გადასახდელი თანხის სრული ოდენობით.
6. ტენდერში გამოიყენება ხელშეკრულების უზრუნველყოფის მექანიზმი. რისთვისაც გამარჯვებულმა კომპანიამ უნდა წარმოადგინოს საბანკო გარანტია ხელშეკრულების ღირებულების 2% ოდენობით.
7. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას. რისთვისაც განისისაზღვრება ვადა 3 (სამი) სამუშაო დღით. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, გასაწევი მომსახურების დეტალური ხარჯთაღრიცხვით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ამასთან ერთად, შემსყიდველი ორგანიზაცია უფლებამოსილია, დასაბუთებული გადაწყვეტილებით, უარი თქვას ფასწარმოქმნის ადეკვატურობის დასაბუთების მოთხოვნაზე.
8. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართი N2-ში. დანართი N2-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის დილაკზე დაჭერით.
9. პრეტენდენტი უნდა გაეცნოს გლობალური ფონდის ეთიკურ გაიდლაინს <http://www.theglobalfund.org/en/operational> და GEO-H-NCDC საგრანტო ხელშეკრულების თანდართულ სტანდარტულ პირობებს
10. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:
სატენდერო კომისიის აპარატის წევრები: დავით მღებრიშვილი, ხათუნა კაპანაძე სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი“ (მისამართზე: ქ. თბილისი, ასათიანის ქ. №9) მე-5 სართული, ტელეფონი: (995 32) 2398946 – შიდა (187).

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ „პრეტენდენტთან“. წინამდებარე ხელშეკრულების პროექტის პირობები დაზუსტდება გამარჯვებული „პრეტენდენტის“ სატენდერო წინადადების შესაბამისად.

ხელშეკრულება # (სახელმწიფო შესყიდვების შესახებ)

ქ. თბილისი

“ ” “ 2015 წ.

1. ხელშეკრულების მხარეები

სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი (შემდგომში „შემსყიდველი“), მისი გენერალური დირექტორის მოადგილის _____ სახით და _____ (შემდგომში „მიმწოდებელი“), დირექტორის _____ სახით.

2. ხელშეკრულების საგანი

„აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის“ (შემდგომში „გლობალური ფონდი“) პროგრამის „საქართველოში აივ/შიდსის პრევენციის მიზნით არსებული ეროვნული რეაგირების მხარდაჭერა, აივ/შიდსით დაავადებულთა სიცოცხლის მაჩვენებლების გაუმჯობესება მკურნალობისა და მოვლის ღონისძიებების გაძლიერების გზით“ (გრანტი: GEO-H-NCDC) (შემდგომში „პროგრამა“) პროექტის “ნარკოტიკების ინექციური გზით მომხმარებლებისთვის აივ პრევენციული სერვისის მიწოდება: აივ/შიდსისა და C ჰეპატიტის პრევენციის მიზნით მეტადონით ჩანაცვლებითი თერაპიის განხორციელება” (შემდგომში „პროექტი“) ფარგლებში სამედიცინო მომსახურება (CPV85100000).

ხელშეკრულების ღირებულება

ხელშეკრულების ღირებულება შეადგენს ----- ლარს (შემდგომში „ხელშეკრულების ღირებულება“).

მომსახურების გაწევის პერიოდია 2016 წლის 01 იანვრიდან 2016 წლის 30 ივნისის ჩათვლით.

3. ხელშეკრულების ზოგადი დებულებანი.

3.1 წინამდებარე ხელშეკრულება და ხელშეკრულების დანართები, რომლებიც ითვლება მის განუყოფელ ნაწილად, ერთად ქმნის მოცემულ ხელშეკრულებას.

3.2. ზემოაღნიშნულ დოკუმენტებში დაფიქსირებული ყველა მონაცემი, პარამეტრი, ვადები, ტექნიკური და სხვა პირობები, მათ შორის, მხარეთა პასუხისმგებლობის ფორმები წარმოადგენს ამ ხელშეკრულების პირობებს.

3.3. მიმწოდებელი იღებს ვალდებულებას განახორციელოს მომსახურება ხელშეკრულების პირობების შესაბამისად.

3.4. შემსყიდველი იღებს ვალდებულებას წარმოდგენილი ანგარიშებისა და მიღება-ჩაბარების აქტების საფუძველზე დააფინანსოს მიმწოდებელის მიერ პროგრამის ბიუჯეტით გათვალისწინებული მომსახურებები; შეიძინოს, მიიღოს და სარგებლობის უფლებით მიმწოდებელს გადასცეს პროგრამის აქტივები ხელშეკრულების პირობების შესაბამისად.

4. ხელშეკრულების მოქმედების ვადა.

4.1. ხელშეკრულების მოქმედების ვადა განისაზღვრება 2016 წლის 01 იანვრიდან 2016 წლის 31 ივნისის ჩათვლით.

“შემსყიდველი”

სსიპ “ლ. საყვარელიძის სახ.
დაავადებათა კონტროლისა და
საზოგადოებრივი ჯანმრთელობის
ეროვნული ცენტრი”

მისამართი:

ქ.თბილისი, ასათიანის ქ. № 9
ს/კ – 211324351
ბ/კ – სახელმწიფო ხაზინა TRESGE22
ა/ა – GE24NB0330100200165022

ბ.ა.

“მიმწოდებელი”

-

ბ.ა.

ხელშეკრულების პირობები

1. მხარეთა ვალდებულებები

1.1. მიმწოდებელი ვალდებულია:

1.1.1 განახორციელოს პროგრამით გათვალისწინებული ღონისძიებები ხარისხიანად და გეგმა-გრაფიკის (დანართი №8) შესაბამისად;

1.1.2 ფლობდეს წინამდებარე ხელშეკრულებით გათვალისწინებული ანგარიშსწორებისთვის ცალკე საბანკო ანგარიშს კომერციულ ბანკში, რომელიც სრულად აკმაყოფილებს ყველა მოქმედ ადგილობრივ და საერთაშორისო საბანკო სტანდარტებს და მარეგულირებელ ნორმებს, მათ შორის კაპიტალის ადეკვატურობის მოთხოვნებს;

1.1.3 აწარმოოს (და უზრუნველყოს, რომ ქვეკონტრაქტორმა აწარმოოს) საბუღალტრო აღრიცხვა (ჩანაწერები, დოკუმენტები და სხვა), რომელშიც დეტალურად ასახულ იქნება პროგრამასთან და მის განხორციელებასთან დაკავშირებით წარმოქმნილი ყველა დანახარჯი და შემოსავალი. პროგრამასთან დაკავშირებული დოკუმენტაცია უნდა ინახებოდეს მიმწოდებელთან (ასევე ქვეკონტრაქტორებთან), ბოლო გადახდის თარიღიდან სულ მცირე შვიდი წლის განმავლობაში, ან უფრო მეტი ხნის განმავლობაში, რომელიც საჭირო იქნება ნებისმიერი პრეტენზიის ან აუდიტის შედეგად გამოვლენილი შედეგების გამოსასწორებლად, ან თუ ამას მოითხოვს გლობალური ფონდი ან შემსყიდველი;

1.1.4 შემსყიდველის მოთხოვნით წარმოადგინოს მომსახურების გასაწევად შესაძენი აქტივების დაზუსტებული რაოდენობები და ტექნიკური მახასიათებლები;

1.1.5 უზრუნველყოს პროგრამის განხორციელების პერიოდში შემსყიდველისგან მიღება-ჩაბარების აქტის საფუძველზე მიღებული (ხელშეკრულების დანართი N4-1; №4-2 დ N5) საქონლის (ძირითადი აქტივები, მატერიალური მარაგები, და სხვა) დაცვა/უსაფრთხოება, გასწიოს მათი მოვლისთვის/ექსპლუატაციისთვის საჭირო გონივრული ხარჯები და უზრუნველყოს აქტივების საექსპლუატაციო პირობების სრული დაცვა, იქონიოს (და უზრუნველყოს, რომ ქვე-კონტრაქტორებმა იქონიონ) ხელშეკრულების ფარგლებში გადაცემული ყველა სახარჯი მასალის ხარჯვის ჩანაწერები. დანართი 5-ის შედგენისას მიმწოდებელმა უნდა გაითვალისწინოს პროგრამის უწყვეტობისათვის აუცილებელი საქონლის მოთხოვნა 2016 წლის არანაკლებ 01 ოქტომბრის პერიოდისათვის. დანართები N4-1 და №4-2-ით განსაზღვრული აქტივების დაზუსტება მოხდება 2016 წლის 01 თებერვლამდე შემსყიდველსა და მიმწოდებელს შორის გაფორმებული ურთიერთშეთანხმების აქტის საფუძველზე;

1.1.6 არაადეკვატური ექსპლუატაციით და/ან დაკარგვით მიყენებული ზიანის შემთხვევაში, აუნაზღაუროს შემსყიდველს მიყენებული მატერიალური ზარალი;

1.1.7 გამოიყენოს აქტივები მხოლოდ წინამდებარე ხელშეკრულებით განსაზღვრული მიზნებისათვის;

1.1.8 უზრუნველყოს წინამდებარე ხელშეკრულების ფარგლებში შესყიდული საქონლის ეფექტური და უსაფრთხო ლოჯისტიკა მიწოდების ჯაჭვის ნებისმიერ ეტაპზე;

1.1.9 დროულად აცნობოს შემსყიდველს ნებისმიერი ნაკლი ან/და ხარვეზი, რომელიც გამომჟღავნდება აქტივების ადეკვატური ექსპლუატაციის შედეგად. იმ შემთხვევაში, თუ მიმწოდებელი შეგნებულად არ უმხელს შემსყიდველს აქტივების შეძენილ ნაკლს ან/და ხარვეზს, მაშინ მიმწოდებელი ვალდებულია სრულად აუნაზღაუროს შემსყიდველს მიყენებული ზარალი;

1.1.10 პასუხისმგებელია წინამდებარე ხელშეკრულების ფარგლებში შესყიდული ნებისმიერი საქონლის (მათ შორის, ქვეკონტრაქტორისთვის გადაცემული) დაკარგვაზე ან დაზიანებაზე. დაკარგვის ან დაზიანებისთანავე მიმწოდებელმა უნდა უზრუნველყოს ასეთი საქონლის შეცვლა საკუთარი ხარჯით;

1.1.11 ხელშეკრულების ვადის გასვლის შემდეგ, ხელშეკრულების ვადამდე შეწყვეტის, ასევე შემსყიდველის მოთხოვნის შემთხვევაში, წერილობითი შეტყობინების მიღებიდან არაუგვიანეს 15 (თხუთმეტი) დღის ვადაში, უპირობოდ დაუბრუნოს შემსყიდველს სარგებლობაში გადაცემული აქტივები და გაუხარჯავი სახარჯი მასალა. აქტივები უნდა დააბრუნოს ტექნიკურად გამართულ მდგომარეობაში, რაზედაც უნდა გაფორმდეს აქტივების დაბრუნების მიღება-ჩაბარების აქტი;

1.1.12 მიიღოს ზომები, რათა არ დაუშვას ხელშეკრულების საფუძველზე მიღებული თანხების, ან აქტივების გამოყენება ძალადობის და/ან ტერორიზმის მიზნებისთვის ან ფულის გათეთრების საქმიანობების

მხარდასაჭერად, და/ან იმ ორგანიზაციების მხარდასაჭერად, რომლებიც მხილებულნი არიან ტერორიზმის ან ფულის გათეთრების საქმიანობაში. მიმწოდებელი ვალდებულია დაიცვას გლობალური ფონდის (დონორის მიერ პერიოდულად განახლებადი და გლობალური ფონდის ვებ. გვერდზე განთავსებული) „ქვეყნის კოდექსი გლობალური ფონდის სახსრების რეციპიენტებისთვის“ <http://www.theglobalfund.org/en/operational/> და უზრუნველყოს მისი გაცნობა ქვეკონტრაქტორებისთვის.

1.1.13 მიმწოდებელი ვალდებულია იხელმძღვანელოს და დაიცვას „აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის“ მიერ დაფინანსებული პროგრამის („საქართველოში აივ/შიდსის პრევენციის მიზნით არსებული ეროვნული რეაგირების მხარდაჭერა, აივ/შიდსით დაავადებულთა სიცოცხლის მაჩვენებლების გაუმჯობესება მკურნალობისა და მოვლის ღონისძიებების გაძლიერების გზით“) საგრანტო ხელშეკრულების (გრანტი: GEO-H-NCDC) სტანდარტული პირობების შემდეგი პუნქტები: №№6, 8, 9, 11, 12, 13, 14, 16, 18, 19, 20, 21, 22.

1.1.14 ამ ხელშეკრულების პირველი პუნქტის 1.1.15 ქვეპუნქტში მითითებული საგრანტო ხელშეკრულების (გრანტი: GEO-H-NCDC) სტანდარტული პირობები თან ერთვის წინამდებარე ხელშეკრულებას და წარმოადგენს მის განუყოფელ ნაწილს (დანართი N 11).

1.1.15 მიმწოდებელმა უნდა უზრუნველყოს, რომ მან და მისმა ქვეკონტრაქტორებმა გლობალური ფონდის, მათ შორის გენერალური ინსპექტორატის წარმომადგენლებს და გლობალური ფონდის მიერ უფლებამოსილ მესამე მხარეს მისცნ შეუზღუდავი წვდომის უფლება შემდეგზე: (ა) საბუღალტრო წიგნები, ჩანაწერები, დოკუმენტები და წინამდებარე ხელშეკრულებასთან დაკავშირებული სხვა მტკიცებულებანი (ფინანსური და პროგრამული), რომელსაც მიმწოდებელი აწარმოებს პროგრამასთან დაკავშირებით; (ბ) მიმწოდებლის და ყველა ქვეკონტრაქტორის შენობა-ნაგებობებში, სადაც პროგრამასთან დაკავშირებული საბუღალტრო წიგნები და ჩანაწერები ინახება და/ან პროგრამული ღონისძიებები ხორციელდება ან ხორციელდებოდა; (გ) მიმწოდებელმა უნდა უზრუნველყოს, რომ ყველა ქვეკონტრაქტორთან დადებული ხელშეკრულება შეიცავდეს ამ პუნქტში განსაზღვრულ შეუზღუდავი წვდომის უფლებას. შეუზღუდავი წვდომის უფლების დარღვევა განიხილება ამ ხელშეკრულების პირობების დარღვევად.

1.2. შემსყიდველი ვალდებულია:

1.2.1. წინამდებარე ხელშეკრულების შესაბამისად, უზრუნველყოს ადეკვატური და დროული ანგარიშსწორება.

1.2.2. უზრუნველყოს მიმწოდებელი ხელშეკრულებით გათვალისწინებული აქტივებით (დანართი N4-1, №4-2 და N5);

1.2.3. უზრუნველყოს მიმწოდებლის დროული ინფორმირება გლობალური ფონდის პროგრამის ფარგლებში განსახორციელებელი ცვლილებების თაობაზე. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა აღნიშნული ცვლილებების განხორციელების აუცილებლობა.

2. ხელშეკრულების შესრულების კონტროლი

2.1 ხელშეკრულების შესრულების კონტროლს და პროგრამის მონიტორინგს ახორციელებს შემსყიდველის მიერ შექმნილი ინსპექტირებისა და მონიტორინგის ჯგუფი

2.2 ინსპექტირება:

ა) შესყიდვის ობიექტის მიღება-ჩაბარებისთვის შემსყიდველი განახორციელებს გაწეული მომსახურების ინსპექტირებას;

ბ) ინსპექტირება განხორციელდება ყოველთვიურად, მიმწოდებლის მიერ შემსყიდველისათვის წარდგენილი ანგარიშების/დოკუმენტაციის განხილვის საფუძველზე;

გ) ინსპექტირების ჯგუფის მიერ მომზადებული დასკვნის საფუძველზე მხარეთა შორის ფორმდება მიღება-ჩაბარების აქტი.

2.3 მონიტორინგი:

ა) შემსყიდველი იტოვებს უფლებას განახორციელოს პროგრამულ/ფინანსური ნაწილის კვარტალური მონიტორინგი ადგილზე ვიზიტის საფუძველზე (როგორც მიმწოდებელთან, ასევე მის ქვეკონტრაქტორებთან);

ბ) მონიტორინგის განმახორციელებელი ჯგუფი ვალდებულია აცნობოს მიმწოდებელს მონიტორინგის შედეგები;

გ) მიმწოდებელი ვალდებულია უმოკლეს ვადაში საკუთარი ხარჯებით უზრუნველყოს ინსპექტირების/მონიტორინგის შედეგად გამოვლენილი ყველა დეფექტის ან ნაკლის აღმოფხვრა, მათი არსებობის შემთხვევაში;

დ) მიმწოდებლის მიერ წარდგენილი ყველა დოკუმენტის დედანი (ხოლო ქვეკონტრაქტორებისგან მიღებული დოკუმენტაციის ასლი) სავალდებულოა ინახებოდეს მიმწოდებელთან (ქვეკონტრაქტორებთან უნდა ინახებოდეს მათ მიერ მიმწოდებელისთვის წარდგენილი დოკუმენტაციის დედანი) და მოთხოვნის შემთხვევაში წარედგინოს შემსყიდველს;

ე) პროგრამული ინდიკატორების (დანართი №1ბ და დანართი №9) შესრულების მონიტორინგის მიზნით მიმწოდებელი შემსყიდველს, მოთხოვნის შესაბამისად, წარუდგენს სათანადო ინფორმაციას.

2.4 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებელის მიერ ნაკისრი ვალდებულებების შესრულებაზე.

3 მომსახურების განხორციელების პირობები (გეგმა-გრაფიკი)

3.1 პროგრამით გათვალისწინებული მომსახურება ხორციელდება 2016 წლის 01 იანვრიდან 2016 წლის 30 ივნისის ჩათვლით, შეთანხმებული გეგმა-გრაფიკის (ხელშეკრულების დანართი №8) მიხედვით. დანართი N8 წარმოადგენს საორიენტაციო გეგმა-გრაფიკს, აუცილებლობის შემთხვევაში, მხარეები ერთობლივად თანხმდებიან გეგმა-გრაფიკის ცვლილების საკითხზე.

4. დაზღვევა

4.1 მიმწოდებელმა გონივრულ ფასად უნდა უზრუნველყოს, შემსყიდველის სასარგებლოდ, პროგრამის განხორციელებისათვის გამოყენებული აქტივების დაზღვევა, ბიუჯეტით ამ დანიშნულებით გათვალისწინებული თანხების ფარგლებში, კარგი რეპუტაციის მქონე, სტაბილურ სადაზღვევო კომპანიებში. დაზღვევის არ არსებობის შემთხვევაში, გადაცემულ აქტივებზე სრული პასუხისმგებლობა ეკისრება მიმწოდებელს.

5. შესრულებული სამუშაოს მიღება-ჩაბარების წესი

5.1 მიმწოდებელი შემსყიდველს, დადგენილი ფორმით ყოველი მომდევნო თვის 10 (ათი) კალენდარული დღის ჩათვლით წარუდგენს ყოველთვიურ ანგარიშს ხელშეკრულების ფარგლებში განხორციელებული ღონისძიებების შესახებ, რომელსაც თან უნდა ახლდეს ხარჯების დამადასტურებელი პირველადი დოკუმენტაციის ასლები, ამონაწერი მომსახურე ბანკიდან და ბრუნვითი ბალანსის ასლები. ანგარიში შემსყიდველს წარედგინება როგორც ნაბეჭდი, ასევე ელექტრონული ფორმით ქართულ ენაზე;

5.2 შემსყიდველი მიმწოდებლის მიერ წარმოდგენილ ყოველთვიურ ანგარიშს დადგენილი ფორმით განიხილავს წარმოდგენიდან 10 (ათი) კალენდარული დღის განმავლობაში.

5.3 შესრულებული სამუშაო მიღებულად ჩაითვლება ამ მუხლის 5.1 პუნქტის შესაბამისად წარმოდგენილი ანგარიშისა და წინამდებარე ხელშეკრულების 2.1 პუნქტით განსაზღვრული ინსპექტირების ჯგუფის მიერ მომზადებული ინსპექტირებისა და მიღება-ჩაბარების აქტების (დანართი N3) გაფორმების საფუძველზე;

5.4 შემსყიდველი უფლებამოსილია შეცვალოს ინფორმაციის წარმოდგენისა და ანგარიშგების ფორმები, რის შესახებაც 30 (ოცდაათი) დღით ადრე წერილობით უნდა აცნობოს მიმწოდებელს.

6. სტანდარტები

6.1 მიმწოდებელი ვალდებულია მომსახურების განხორციელებისას იხელმძღვანელოს საერთაშორისოდ აღიარებული და/ან ქვეყანაში მოქმედი სტანდარტებით;

6.2 მიმწოდებელი ვალდებულია შემსყიდველის მხრიდან შეტყობინების მიღებისთანავე განახორციელოს არაჯეროვნად შესრულებული ღონისძიებების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე;

6.3 მიმწოდებელის მიერ, 6.2 მუხლით გათვალისწინებული ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები პროგრამის განხორციელებისას წარმოქმნილი ხარვეზების გამოსწორებისათვის და დააკავოს შესაბამისი ხარჯები ხელშეკრულების თანხიდან.

7. ხელშეკრულების ღირებულება

7.1 ხელშეკრულების ღირებულება შეადგენს -----ლარს, რომლის პარამეტრები წარმოდგენილია დანართი N6-სა და დანართ N6-1ში;

7.2 შემსყიდველი მიმწოდებელს დამატებით უზრუნველყოფს მომსახურების გასაწევად აუცილებელი საქონლით (დანართები N4-1, N4-2, N5). შემსყიდველი უფლებამოსილია მიმწოდებელთან შეთანხმებით შეიტანოს კორექტირება შესასყიდი საქონლის ჩამონათვალში/რაოდენობაში, რომელიც აღწერილია დანართ N5-ში. ამ შემთხვევაში განხორციელებული კორექტირება არ ჩაითვლება მიმწოდებელის მხრიდან ნაკისრი ვალდებულებების არშესრულების, ან არასრული მოცულობით შესრულების საფუძვლად;

7.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.4 ცვლილების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია, წინამდებარე ხელშეკრულების მე-10 მუხლის თანახმად.

8. ანგარიშსწორების პირობები

8.1 ანგარიშსწორება განხორციელდება უნაღდო ანგარიშსწორებით, ეროვნულ ვალუტაში (ლარი).

8.2 მიმწოდებლის მიერ წინასწარი ანგარიშსწორების მოთხოვნის შემთხვევაში, შემსყიდველი უფლებამოსილია მოახდინოს წინასწარი ანგარიშსწორება, არაუმეტეს სახელშეკრულებო ღირებულების 15%-ის ოდენობით. ამასთან მიმწოდებელი ვალდებულია წარუდგინოს შემსყიდველს შესაბამისი თანხის იდენტური ოდენობის საბანკო გარანტია;

8.3 საბანკო გარანტია უნდა შეიცავდეს გარანტიის გამცემის ვალდებულებას შემსყიდველის მიერ მიმწოდებლისთვის წინასწარ ავანსად გაცემული თანხის აღნიშნული ხელშეკრულების პირობების შესრულებისგან განსხვავებული მიზნებისათვის გამოყენების ფაქტების გამოვლენის შემთხვევაში, შემსყიდველს მისი პირველივე მოთხოვნისთანავე გადაურიცხოს გარანტიით განსაზღვრული თანხა.

8.4 მიმწოდებლის მიერ წარმოდგენილი წინასწარი ანგარიშსწორების საბანკო გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულების მოქმედების ვადას. იმ შემთხვევაში თუ წარმოდგენილი გარანტიის ვადა ნაკლებია ზემოაღნიშნულზე, მიმწოდებელი ვალდებულია გაახანგრძლივოს გარანტიის მოქმედების ვადა შემსყიდველის მოთხოვნისთანავე;

8.5 მიმწოდებლის მიერ ნაკისრი ვალდებულების შეუსრულებლობის შემთხვევაში საბანკო გარანტია გამოყენებული იქნება მიმწოდებლის მიერ შეუსრულებელი ვალდებულების ასანაზღაურებლად;

8.6 წინამდებარე ხელშეკრულების 8.2 პუნქტით გათვალისწინებული ვალდებულების შესრულების და მიმწოდებელის წერილობითი მოთხოვნის საფუძველზე შემსყიდველი არაუგვიანეს 10 (ათი) სამუშაო დღის ვადაში გადაურიცხავს მიმწოდებელს შესაბამისი ოდენობის თანხას;

8.7 ანგარიშსწორება განხორციელდება წინამდებარე ხელშეკრულების დანართი N 3-ის შესაბამისად.

8.8. შემსყიდველის მიერ ყოველი თვის გაწეული მომსახურების ანაზღაურება განხორციელდება მიღება-ჩაბარების აქტის გაფორმებიდან არაუგვიანეს 5 (ხუთი) სამუშაო დღის განმავლობაში;

8.9 პროგრამის ბიუჯეტით გათვალისწინებული ღონისძიებების დაფინანსების გარდა თანხების სხვა მიზნით გამოყენება (თუნდაც დროის მცირე მონაკვეთში) დაუშვებელია. მკაცრად იკრძალება ნებისმიერი საშუალებით თანხების გადარიცხვა, გადახდა, გადაცემა ან კონვერტაცია:

ა) მესამე მხარესთვის, რომელიც უშუალოდ არ არის დაკავშირებული პროგრამის და ამ ხელშეკრულების განხორციელებასთან;

ბ) ღონისძიებებისთვის, რომლებიც პროგრამის უშუალო მხარდაჭერას არ უკავშირდება;

8.10 შემსყიდველი უფლებამოსილია მიმართოს ამ ხელშეკრულების შეწყვეტის ან შეზღუდვების გამოყენების უფლებას სახელშეკრულებო თანხების ნებისმიერი ტრანზაქციის შემთხვევაში, რომელიც ამ ხელშეკრულების 1.1.13 ან 8.9 მუხლების პირობების დარღვევით შესრულდება (შემდგომში „არასანქცირებული ტრანზაქცია“);

8.11 მიმწოდებელს ეკისრება სრული პასუხისმგებლობა, ფინანსური და სხვა, არასანქცირებული ტრანზაქციით გამოწვეულ ზარალზე, და უნდა აუნაზღაუროს შემსყიდველს არასანქცირებული ტრანზაქციით გამოწვეული ზარალის ან მიღებული შემოსავლის ოდენობა.

9. გადასახადები

9.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

10. ხელშეკრულებაში ცვლილებების შეტანა

10.1 შემსყიდველის მიერ შესაძლებელია ხელშეკრულებაში შეტანილ იქნას ცვლილებები აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) მოთხოვნების შესაბამისად;

10.2 თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულება იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა;

10.3 ხელშეკრულების დანართი №6-ში (პროგრამის ბიუჯეტი), ერთი საბიუჯეტო ხაზის ფარგლებში დაფიქსირებული თანხების გადანაწილება, დანართი №5-ში (შემსყიდველის მიერ შესასყიდი აქტივების ჩამონათვალი) ნებისმიერი ცვლილება და დანართი №12 -ით განსაზღვრული პროგრამის განხორციელებაში ჩართული სატრანსპორტო საშუალებების საწვავის საშუალო თვიური ხარჯვის გაზრდა ან/და შემცირება შესაძლებელია განხორციელდეს შემსყიდველთან წერილობითი შეთანხმების საფუძველზე, ხელშეკრულების ცვლილების გარეშე.

10.4 წინამდებარე ხელშეკრულების 10.3 პუნქტში გათვალისწინებული შემთხვევების გარდა, ხელშეკრულების პირობების ნებისმიერი ცვლილება, უნდა გაფორმდეს ხელშეკრულების შეთანხმების სახით, რომელიც ჩაითვლება ხელშეკრულების განუყოფელ ნაწილად“.

11. უფლებების გადაცემა

11.1 მიმწოდებელს არა აქვს უფლება მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი, გარდა ქვეკონტრაქტორისა.

11.2 აქტივების, ვალდებულებების ან უფლება-მოვალეობების ქვეკონტრაქტორებისთვის გადაცემის შემთხვევაში მიმწოდებელი ვალდებულია შეატყობინოს შემსყიდველს.

12. მიმწოდებელის („სუბრეციპიენტი“) ქვე კონტრაქტორი („სუბ-სუბრეციპიენტი“)

12.1 „სუბ-სუბრეციპიენტი“ ნიშნავს მიმწოდებლის ქვე-კონტრაქტორ იურიდიულ ან ფიზიკურ პირს, რომელიც უზრუნველყოფს წინამდებარე ხელშეკრულებით გათვალისწინებული კონკრეტული ღონისძიებების განხორციელებას;

12.2 ამ ხელშეკრულების ფარგლებში დასადები ყველა ხელშეკრულება მიმწოდებელსა და მის ქვე-კონტრაქტორს შორის უნდა გაფორმდეს წერილობითი სახით;

12.3 იმ შემთხვევაში, თუ ხელშეკრულების შესრულების პროცესში წარმოიშობა ახალ ქვე-კონტრაქტორთან ხელშეკრულების დადების და/ან ქვე-კონტრაქტორის შეცვლის აუცილებლობა, მიმწოდებელმა წინასწარ წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა;

12.4 ამ ხელშეკრულების ფარგლებში ქვე-კონტრაქტორთან დადებული ყველა ხელშეკრულების ასლი უნდა წარედგინოს შემსყიდველს;

12.5 ამ ხელშეკრულების ფარგლებში, ქვე-კონტრაქტორთან დადებული ხელშეკრულებით გათვალისწინებული ვალდებულების შეუსრულებლობა არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ უმოკლეს დროში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, აღნიშნული უნდა განხორციელდეს ხელშეკრულებაში ცვლილების შეტანის გზით.

14. ხელშეკრულების პირობების შეუსრულებლობა

14.1 მიმწოდებელის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში, გარდა ფორს-მაჟორული პირობებისა, შემსყიდველი უფლებამოსილია გამოიყენოს ხელშეკრულების ამ პუნქტით გათვალისწინებული სანქციები;

14.2 ხელშეკრულებით გათვალისწინებული ვალდებულებების დარღვევის შემთხვევაში, შემსყიდველი მიმწოდებელს დააკისრებს პირგასამტეხლოს, ვალდებულების შესრულების ყოველ გადაცილებულ დღეზე შეუსრულებელი აქტივობის ღირებულების 0.1%-ის ოდენობით.

14.3 მიმწოდებლის მხრიდან წინამდებარე ხელშეკრულების 8.9 პუნქტის პირობების შეუსრულებლობის შემთხვევაში, მიმწოდებლის მიერ გახარჯული თანხა არ ანაზღაურდება;

14.4 შემსყიდველის მიერ მიმწოდებლისათვის დაკისრებული პირგასამტეხლო არ შეიძლება გადახდილ იქნას წინამდებარე ხელშეკრულებით გათვალისწინებული თანხებიდან.

15. ხელშეკრულების შესრულების გარანტია

15.1. იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, ამ ხელშეკრულებაში გამოიყენება საბანკო გარანტია ხელშეკრულების ღირებულების 2%-ის ოდენობით, რაც შეადგენს -----ლარს.

15.2 წინამდებარე ხელშეკრულება უწყვეტად უზრუნველყოფილი უნდა იყოს ხელშეკრულების უზრუნველყოფის გარანტიით, ხელშეკრულების მოქმედების სრული პერიოდის განმავლობაში.

15.3 ხელშეკრულების შესრულების გარანტია გამოიყენება ნებისმიერი ზარალის ანაზღაურების მიზნით, რომელიც მიაღება შემსყიდველს მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არასრული შესრულების გამო;

15.4 შემსყიდველის მიერ მიმწოდებლის მხრიდან ხელშეკრულების პირობების დარღვევის ფაქტის გამოვლენა და ამის შესახებ გარანტიის გამცემი ბანკის ინფორმირება წარმოადგენს ძირითად საფუძველს გარანტიის გამცემი ბანკის მიერ საბანკო გარანტიით განსაზღვრული თანხის უკან დასაბრუნებლად.

15.5 მიმწოდებლის მიერ ხელშეკრულებით ნაკისრი ვალდებულებების შესრულების შემდეგ შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის გარანტიას.

15.6 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია მიმწოდებლის მოთხოვნისთანავე დაუბრუნებს მას ხელშეკრულების შესრულების უზრუნველყოფის გარანტიას.

16. ხელშეკრულების შეწყვეტა

16.1 შემსყიდველს მიმწოდებლისთვის წერილობითი შეტყობინების გაგზავნის საფუძველზე შეუძლია შეწყვიტოს ან შეაჩეროს წინამდებარე ხელშეკრულება მთლიანად ან ნაწილობრივ, თუ მისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს

ხელშეკრულებით ნაკისრი ვალდებულებების შესრულებას. ამ ხელშეკრულების ნებისმიერი ნაწილი, რომელიც არ შეწყდა ან შეჩერდა, ძალაში უნდა დარჩეს;

16.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

16.3 ხელშეკრულების შეწყვეტა ხელშეკრულების პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

17. ფორს-მაჟორი

17.1 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული რომელიმე მხარის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, დონორის დაფინანსების მკვეთრი შემცირებით ან შეწყვეტით და სხვა;

17.2 ხელშეკრულების პირობების ან რომელიმე მათგანის მოქმედების შეჩერება, ფორს-მაჟორული გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს სანქციების გამოყენებას;

17.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

18. სადაო საკითხების გადაწყვეტა

18.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი მოლაპარაკებების გზით მოაგვარონ ნებისმიერი უთანხმოება და დავა წარმოქმნილი მათ შორის დადებული ხელშეკრულების ან მასთან დაკავშირებული საკითხების ირგვლივ;

18.2 თუ ასეთი მოლაპარაკების განმავლობაში მხარეები ვერ შესძლებენ სადაო საკითხების შეთანხმებას, მხარეებს დავის გადაწყვეტის მიზნით შეუძლიათ იმოქმედონ საქართველოს კანონმდებლობით დადგენილი წესით.

19. აუდიტი

19.1 შემსყიდველი ხელშეკრულებით გათვალისწინებული ღონისძიებების შეფასების და შესაბამისი თანხების ხარჯვის კონტროლის მიზნით უფლებამოსილია განახორციელოს მიმწოდებლის და მისი ქვეკონტრაქტორის აუდიტი და/ან ფინანსური შემოწმება, სასამართლო აუდიტი ან შეფასება, ან განახორციელოს სხვა ქმედება, რომელსაც ის საჭიროდ მიიჩნევს პროგრამის მსვლელობის დროს;

19.2 მიმწოდებელი ვალდებულია შემსყიდველის მიერ შერჩეულ აუდიტორულ კომპანიას მიაწოდოს მისი საქმიანობისთვის საჭირო ინფორმაცია, დოკუმენტაცია, ხელი შეუწყოს საქმიანობაში და უზრუნველყოს შესაბამისი პირობებით განახორციელოს პროგრამის ფარგლებში შემსყიდველისგან მიღებული დაფინანსების და გაწეული დანახარჯების, შემსყიდველისგან მიღებული მატერიალური ფასეულობების და მარაგების ხარჯვის აუდიტი.

20 სხვა პირობები

20.1 ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს გააჩნია თანაბარი იურიდიული ძალა. ხელშეკრულების ორი ეგზემპლარი ინახება შემსყიდველთან, ერთი ეგზემპლარი მიმწოდებელთან;

20.2 ნებისმიერი ოფიციალური ურთიერთობა ხელშეკრულების დამდებ მხარეებს შორის გახორციელდება წერილობითი ფორმით ქართულ ენაზე.

- 20.3 მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით;
- 20.4 ხელშეკრულების მხარეები ვალდებულნი არიან გაუფრთხილდნენ თითოეულის სახელს, საქმიან რეპუტაციას და ღირსებას;
- 20.5 მხარეები ვალდებულნი არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია;
- 20.6 ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება;
- 20.7 კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

ხელშეკრულების დანართების პროექტები:

ხელშეკრულებას თან ახლავს დანართები, რომლებიც ხელშეკრულების განუყოფელი ნაწილია;

დანართი N1 ა (შესრულებული სამუშაოების სიტყვიერი ანგარიშის ფორმა);

დანართი N2 (ფორმა N1 - ყოველთვიური ხარჯების ჩამონათვალი, ფორმა N2 - ფინანსური ანგარიშგების ფორმა, ფორმა N3ა - სახარჯი მასალების აღრიცხვის ფორმა, ფორმა N3ბ - საწვავის ხარჯვის აღრიცხვის ფორმა, ფორმა N4 - ხარჯების ფინანსური აღრიცხვა კატეგორიების მიხედვით);

დანართი N3 (შესრულებული სამუშაოების მიღება-ჩაბარების აქტი);

დანართი N4-1 (შემსყიდველის მიერ მომსახურების განსახორციელებლად მიმწოდებელზე გადასაცემი ძირითადი და მცირეფასიანი აქტივების ჩამონათვალი);

დანართი N4-2 (შემსყიდველის მიერ მომსახურების განსახორციელებლად მიმწოდებელზე გადასაცემი მედიკამენტებისა და სახარჯი მასალების ჩამონათვალი);

დანართი N5 (შემსყიდველის მიერ შესასყიდი აქტივების ჩამონათვალი);

დანართი N6 (პროგრამის ბიუჯეტი);

დანართი N6-1 (პროგრამის ბიუჯეტი კვარტლების და ხარჯების პროცენტული განაწილების მიხედვით კატეგორიების შესაბამისად)

დანართი N7 (ტექნიკური მიდგომა და მეთოდოლოგია);

დანართი N8 პროგრამის განხორციელების საორიენტაციო გეგმა-გრაფიკი;

დანართი N9 პროგრამის შესრულების ჩარჩო (Performance Framework);

დანართი N10 ქვეყნის კოდექსი გლობალური ფონდის სახსრების რეციპიენტებისთვის. იხ.

<http://www.theglobalfund.org/en/operational/>

დანართი №11 საგრანტო ხელშეკრულების (გრანტი: GEO-H-NCDC) სტანდარტული პირობები;

დანართი №12 პროგრამის განხორციელებაში ჩართული სატრანსპორტო საშუალებების ნუსხა და ინფორმაცია საწვავის საშუალო თვიური ხარჯვის შესახებ.

დანართი N 13 საბიუჯეტო კატეგორიების ნუსხა გლობალური ფონდის გრანტის ბიუჯეტირების სახელმძღვანელოს მიხედვით

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი: